

ազգին, որպէս յայանի տեսանի 'ի Պատմութենէ ժամանակին: Այլ վասն երթալոյ աշակերտաց նորին յերուսաղէմ և բերելոյ անտի զառաջնորդս, չունի ինչ պէտս քննութեան, զի համօրէն պատմիչք ազգիս լուեն վասն այդր:



Գ Լ Ո Ւ Խ Ժ .

Ժողով Եփեսոսի . Եւտիքէս Վանահայր : Բ . Ժողով Եփեսոսի .
և շրբարդ Ժողով Քաղկեդոնի :

ՆԵՍՏՈՐ ծնեալ էր 'ի Գերմանիկ տւանի Ատրուոց, մկրտեալ ևւ սնեալ յԱնտիոք, աշակերտեալ Թէոդորոսի Մոպուռեստացւոյ . ձեռնադրեալ քահանայ 'ի Թէոդոտոս հայրապետէն Անտիոքայ: Ինքնակալն Թէոդոս Փոքր կսչեաց զսա յաթոռն Կոստանդինուպօլսի, զի ակն ունէր տեսանել 'ի նմա զՄեծն Ոսկերերան, ևւ մեծաւ փառօք ձեռնադրեալ նստաւ յաթոռ եպիսկոպոսութեան, և յառաջին ճառին զոր խօսեցաւ, ծանեան ուղղափառք զանբարտաւան միտս նորին: Եհան հրաման կործանել զեկեղեցին Արիանոսաց, որոց ցասուցեալ ինքեանք մատուցին հուր յեկեղեցի անդր, ևւ եղև հրդեհ մեծ ևւ զզրդեցաւ քաղաքն ողջոյն . թէպէտ զվնասն զՆեստորիւ արկանէին, այլ նա ոչ կասեցաւ յետս դառն թշնամանօք, լլկանօք ևւ մահուամբ իսկ հալածել զհերձուածողս ևւ յախշտակել զեկեղեցիս նոցա . զի եղեալ էր 'ի մտի խախտանել զայլ աղանդս առ 'ի դիւրաւ հաստատել զիւրն, ևւ սկիզբն առնէր ժայթքել զանլուր հայհոյութիւնս յատենի եկեղեցւոյ: « Ես զծնեալն 'ի Մարեմոյ ևւ կաթնասուն եղեալն եռամսեայ ոչ Աստուած անուանեմ » (Մարտո): Առաւել գեղեցիկ համառօտէ մերս Խորենացի . « Նեստոր Հրէական իմացմանց հետեւեալ, հայհոյեաց զամենասուրբ Կոյսն մարդածին ինեւ ևւ ոչ աստուածածին: Քանզի ծնեալն 'ի նրմանէ առեալ սկիզբն, ա՛յլ Որդի ասէր շնորհօք 'ի Մարեմոյ, ևւ այլ Որդի 'ի Հօրէ յառաջ . որպէս զի լինել երկուս որդիս, որով Երբորդութիւնն՝ շրբարդութիւն լինի: Գ . 61 :